

# REGLAMAINT DA TAXAS D'IMMUNDIZCHAS

Relaschè a basa da l'art. 11 da l'uorden d'immundizchas dal cumün da Zernez

## Taxa fundamentala Art. 1

Il cumün da Zernez etscha annualmaing üna taxa fundamentala d'immundizchas tenor la clav da scumpart e sün basa d'ün unità:

a)	chasadas d'üna persuna	factor	1
b)	chasadas da plüssas persunas	factor	1.7
c)	büros e pratchas	factor	1
d)	büros mezdans cun 3 - 5 persunas	factor	2
e)	büros gronds cun daplü da 5 persunas	factor	4
f)	affars e butias pitschnas, kiosks e cafés	factor	4
g)	affars e butias mezdanas	factor	8
h)	affars e butias grondas	factor	20
i)	ufficinas cun 1 persuna	factor	4
j)	ufficinas cun 2 - 5 persunas	factor	10
k)	ufficinas cun 5 -10 persunas	factor	15
l)	ufficinas cun daplü da 10 persunas	factor	20
m)	paurarias tenor vachadas (glista dal an scuors)	factor	0.05
n)	restorants ed instituziuns simlas cun max 50 plazzas (suot tet)	factor	5
o)	restorants ed instituziuns simlas cun max 100 plazzas (suot tet)	factor	10
p)	restorants es instituziuns simlas cun daplü da 100 plazzas (suot tet)	factor	20
q)	hotels, quartiers da massa e campadis tenor pernottaziuns (on scuors)	factor	0.002
r)	abitaziuns da vacanzas ed allogis per lavuraints (facturà al proprietari da las localitads)	factor	1.7

**Taxas da quantità      Art. 2**

La taxa da quantità d'immundizchas per l'allontanamaint dal rument chasan vain pajada culla cumpra dals sachs, da las marcas o plombas ufficialas tenor las prescripziuns da l'associaziun regiunala Pro Engiadina bassa (PEB).

La taxa da quantità d'immundizchas per l'allontanamaint da material bloccant vain pajada directamaing sül lö pro la consegna, e quai tenor las tarifas indichadas.

**Taxaziun                      Art. 3**

La taxaziun seguond las categorias descrittass i'l art. 1 vain fatta dal cussagl cumünal.

Cunter quella taxaziun po gnir fat recuors pro'l cussagl cumünal, e quai in scrit infra 20 dis daspö la cumunicaziun.

**Quint                            Art. 4**

Per las taxas fixadas seguond l'art. 1 metta il cumün quint üna vouta l'on.

**import da l'unità            Art. 5**

L'import da l'unità chi permetta da calcular las taxas annualas vain fixà resp. adattatà minch on dal cussagl cumünal tenor ils bsögn.

**Entrada in vigur            Art. 6**

Quist reglamaint vain miss in vigur retroactiva süls 1. schner 2000 cun quai ch'el vain acceptà da la radunanza cumünala.


Sül istess mumaint vegnan abolidas tuot las disposiziuns dal cumün chi stan in cuntradicziun cun quist reglamaint.

Decis uschè da la radunanza cumünala dals..... **5. MAI 2000** .....2000


il president



.....  
dr. Chasper Buchli



il actuar



.....  
Domenic Arquint